

Bentuk keyakinan tinggi belia

► Program komuniti kerja sosial luar bandar

UB 7.12.2018 A 6

KOTA BELUD: Program komuniti kerja sosial di luar bandar dapat membentuk keyakinan tinggi dalam kalangan belia untuk terus mencapai kecemerlangan dalam pendidikan.

Sehubungan itu, Menteri Pembangunan Luar Bandar

Datuk Ewon Benedick menyambut baik usaha Kelab Kerja Sosial, Fakulti Pendidikan dan Psikologi Universiti Malaysia Sabah (UMS) menjayakan program itu.

“Saya menyambut baik program komuniti kerja sosial

“ Saya menyambut baik program komuniti kerja sosial ini yang secara tidak langsung akan dapat memberikan pendedahan kepada masyarakat kampung tentang betapa pentingnya menuntut ilmu dalam kehidupan ”

DATUK EWON BENEDICK
Menteri Pembangunan Luar Bandar



CARLYE (tiga dari kiri) bergambar kenangan bersama pihak penganjur.

ini yang secara tidak langsung akan dapat memberikan pendedahan kepada masyarakat kampung tentang betapa pentingnya menuntut ilmu dalam kehidupan.

“Program ini juga adalah salah satu strategi turun padang untuk mendekati masyarakat khususnya golongan sasar

yang memerlukan,” katanya dalam teks ucapannya yang disampaikan oleh Setiausaha Politik KPLB Carlye Lajimin, sempena pelancaran Program Komuniti Kerja Sosial di Kampung Tengkurus, di sini.

Ewon yang juga Adun Kadamaian turut menghargai kerjasama semua pihak

terutamanya penduduk Kampung Tengkurus dalam menjayakan program itu.

“Sesungguhnya, komitmen semua pihak dalam menyokong usaha dan program yang dijalankan amat dihargai,” katanya.

Beliau berharap melalui program komuniti kerja sosial

itu akan mampu memberikan impak positif kepada semua pihak yang terlibat.

Turut hadir, Pensyarah Program Kerja Sosial UMS Dr Peter Voo Su Kiong, wakil Jabatan Penerangan Kota Belud Durahim Jaman dan wakil penduduk Kg Tengkurus Antoni Satoh.